

# Kejohanan Golf Amal UMP kutip dana bantu pelajar miskin

BERITA HARIAN (MLAY 44)

25 SEPT 2016 M/S 39

**Kuantan:** Kelab Golf Universiti Malaysia Pahang (UMP) akan menganjurkan Kejohanan Golf Amal UMP pada bulan ini bagi mengumpul dana biasiswa kepada pelajar miskin dan golongan memerlukan.

Kejohanan itu akan diadakan di Glenmarie Golf & Country Club, Shah Alam, Selangor, esok dan Mahkota Golf & Country Club di sini, pada 17 September ini.

Naib Canselor UMP, Prof Datuk Dr Daing Nasir Ibrahim, berkata kejohanan itu adalah inisiatif pihaknya menerusi MyGift UMP bagi menjana biasiswa kepada pelajar miskin yang mendapat keputusan cemerlang untuk meneruskan pengajian di universiti itu.

Katanya, program itu diperkenalkan sebagai satu saluran kepada masyarakat, warga kampus, alumni dan pihak luar terutama dari industri atau syarikat untuk menyokong budaya menderma bagi menjayakan pelbagai program universiti.

## Sumbangan untuk tabung MyGift

"UMP menjemput semua pemain golf tempatan dan antarabangsa, alumni, pemimpin sektor awam dan korporat serta orang ramai untuk menyokong kejohanan amal berkebaikan," katanya dalam satu kenyataan media di sini, semalam.

Sementara itu, Pengarah Kejohanan Golf Amal UMP, Dr Ayib Rosdi Zainun, berkata setiap penyertaan dikenakan yuran RM3,000 seorang peserta dan satu flight pula RM10,000 membabitkan penggunaan padang, kereta buggy dan insurans selain cenderahati serta makanan.

"Kejohanan itu akan disertai badan korporat yang akan menyumbang kepada tabung MyGift melalui kutipan yuran dan sumbangan individu atau syarikat.

"Selain mempromosi UMP, kejohanan itu juga untuk menggalakkan budaya menyumbang sambil bersukan dan menjalinkan hubungan yang baik," katanya.

Antara hadiah disediakan adalah sebuah kereta Proton (bagi hole in one), 15 hadiah utama iaitu barang elektrik dan 25 hadiah sampingan barang golf.

Individu atau syarikat berminat menyertai kejohanan itu, boleh menghubungi Ayib di talian 0199894421 dan Abu Sufian Mokhtar (013-9453521) dan Rahiwan Nazar Romli (019-3319565) untuk maklumat lanjut.

## Info

**Kejohanan Golf Amal UMP**

→ Keterangan lanjut boleh didapati menerusi lawan web rasmi kejohanan, <http://golfamal2016.ump.edu.my/> dan sumbangan boleh disalurkan ke nombor akaun 556235304236 (Maybank) atau cek dibayar kepada Bendahari UMP.